

ORDENANZA REGULADORA DA TAXA POR SERVICIOS DE MATADOIROS, LONXAS E MERCADOS, ASÍ COMO A CARREXA DE CARNES, SE HOUBERA DE EMPREGARSE DUN XEITO OBRIGATORIO, E SERVICIOS DE INSPECCIÓN EN MATERIA DE ABASTOS, INCLUÍDA A UTILIZACIÓN DE MEDIOS DE PESAR E MEDIR

Artigo 1°. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordenación da Taxa por servicios de matadoiro, lonxas e mercados, así como a carrexas de carnes, se houbera de empregarse dun xeito obrigatorio, e servicios de inspección en materia de abastos, incluída a utilización de medios de pesar e medir.

Artigo 2°. Feito imponible

Constitúen o feito imponible da Taxa a prestación dos servicios de matadoiro, lonxas e mercados, así como a carrexas de carnes, se houbera de empregarse dun xeito obrigatorio, e servicios de inspección en materia de abastos, incluída a utilización de medios de pesar e medir.

Artigo 3°. Suxeitos pasivos

- Serán suxeitos pasivos contribuíntes as persoas físicas ou xurídicas e as entidades ás que se refire o artigo 33 da Lei xeral tributaria que soliciten ou resulten beneficiadas ou afectadas polos servicios ou actividades que se detallan na tarifa da taxa.

Artigo 4°. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5°. Cota tributaria

A cota desta taxa será a que figura no anexo desta ordenanza.

Artigo 6°. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7°. Percepción

A) Cando se trate de servicios non periódicos:

Percíbese a taxa e nace a obriga de contribuír cando se presente a solicitude de prestación do servicio ou actividade.

B) Cando se trate de servicios periódicos:

Percíbese a taxa e nace a obriga de contribuír o primeiro día de cada ano natural, excepto cando se produza a alta no padrón, caso no que a percepción se producirá a partir dese mesmo mes.

Artigo 8°. Liquidación

A) Cando se trate de servicios non periódicos:

- Cando se trate de servicios ou actividades cunha liquidación que se poida cuantificar no momento de presenta-la solicitude de prestación, liquidarase nese mesmo momento ou no momento posterior, pero sempre antes de presta-lo servicio ou de realiza-la actividade.

- Cando se trate de servicios ou actividades cunha liquidación que non se poida cuantificar no momento de presenta-la solicitude da prestación do servicio ou da realización da actividade, practicarase a liquidación unha vez prestado o servicio ou realizada a actividade.

- Se se realiza a prestación do servicio ou a actividade sen mediar solicitude, liquidarase e notificarse a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

B) Cando se trate de servicios periódicos:

Practicarase a liquidación única anual ou coa periodicidade que se determine nas tarifas desta taxa.

Artigo 9°. Ingreso

O pagamento desta taxa realizarase:

A) Cando se trate de servicios non periódicos:

- Cando se trate de liquidacións cunha cuantificación que se poida efectuar antes de presta-lo servicio ou de levar a cabo a actividade, realizarase o ingreso antes da prestación do servicio ou realización da actividade na Tesourería municipal ou nas entidades financeiras que se sinalen na liquidación.

- Cando se trate de liquidacións cunha cuantificación que non se poida efectuar con anterioridade á prestación do servicio ou realización da actividade, farase o ingreso nos prazos e lugares que se sinalen na liquidación.

B) Cando se trate de servicios periódicos:

- Cando se trate de liquidacións periódicas, nos prazos e nos lugares que se sinalen no edicto de exposición ó público.

Artigo 10°. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11°. Normas de xestión

- As persoas ou entidades interesadas na prestación dos servizos que se citan no artigo segundo desta ordenanza, deberán presentar solicitude por escrito na que se detalle o tipo de servizo e o lugar para o que se solicita e os demais requisitos que esixa o concello.

- Unha vez autorizada a prestación do servizo entenderase prorrogado mentres non se presente a declaración de baixa polo interesado, a non ser que se trate de servizos non periódicos.

- Cando remate a necesidade do servizo periódico, por cambio de propietario, etc., os suxeitos pasivos formularán as declaracións de baixa no padrón da taxa e surtirán efectos no período natural seguinte ó da súa presentación, podendo, no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICIÓN ADICIONAL ÚNICA

Cando existan os convenios de colaboración ós que fai referencia o artigo 27.2 da Lei 39/88, do 28 de decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

ANEXO Á ORDENANZA DA TAXA POR SERVICIO DE LONXAS E MERCADOS, ASÍ COMO O CARREXO DE CARNES SE HOUBERA DE UTILIZARSE DUN MODO OBRIGATORIO; E SERVICIOS DE INSPECCIÓN DE MATERIA DE ABASTOS, INCLUÍDA A UTILIZACIÓN DE MEDIOS DE PESAR E MEDIR.

1.- A estrutura e contía desta Taxa será a seguinte:

<u>POSTOS CENTRAIS DE PRIMEIRA FILEIRA:</u>	IMPORTE €	
	MES	DÍA
a) Postos grandes (8 metros cadrados- froiterías, charcuterías...):		
a. Posto do 1 ó 6 ámbolos dous inclusive,	77,61	
b. Posto da esquina da superficie de 13.25 m2 (Cafetería)	128,53	
b) Postos pequenos (3,80 m2 – productos do campo):		
a. Posto 1 ó 10 ámbolos dous inclusive,.....	36,87	2,44
 <u>POSTOS CENTRAIS DE 2ª FILEIRA DA SUPERFICIE DE 5.60 M2:</u>		
Postos do 1 ó 20 ámbolos dous inclusive (peixes).....	54,27	
 <u>TERCEIRA FILEIRA CENTRAL POSTOS DE 9,45 M2:</u>		
Postos nº 1 ó 14 ámbolos dous inclusive (peixes).....	91,67	
 <u>FILEIRA LATERAL DEREITA POSTOS DE 13.50 M2:</u>		
Postos do 1 ó 13 ámbolos dous inclusive (carnicerías)	130,92	
 <u>FILEIRA LATERAL ESQUERDA:</u>		
Postos do 1 ó 2, ámbolos dous inclusive de 41,85 m2 (Carnicerías)	405,90	
Postos do 3 ó 4, ámbolos dous inclusive de 27,65 m2 (Carnicerías)	268,21	
Postos do 5 ó 7, ámbolos dous inclusive de 13,50 m2 (Carnicerías)	130,92	
 <u>ZONA COMERCIAL:</u>		
Local lóbrego central, de 386,65 m2.....	683,01	- Supermercado

1.1.- Os dereitos de traspaso que sinala o artigo 66 do vixente Regulamento do Mercado serán equivalentes ó 50% do prezo do Traspaso.

1.0.1.- Si o traspaso se fai entre pais e fillos ou entre cónxuxes de conformidade co artigo 67 do citado Regulamento do Mercado aboarán a cantidade de 182,27 €. por cada ano que falta ata o remate da concesión.

2.- As débedas non satisfeitas en voluntaria serán satisfeitas na vía de constrinximento.

DILIXENCIA.- Para facer constar que a modificación do....., correspondente á ordenanza fiscal reguladora do/a....., foi aprobado, inicialmente, en sesión Plenaria de data 23/12/07; Exposto ó público para os efectos de alegacións-reclamacións: no taboleiro de edictos desta Casa Consistorial, con data 17/12/07; e, no BOP nº 242 de data 17/12/07.; quedando definitivamente aprobado e publicándose o texto íntegro da súa modificación no BOP nº 42 de 28/02/08.; data da súa entrada en vigor.
Tui de de
O SECRETARIO - O INTERVENTOR

En Tui, 19 Novembro 2007